

# 1 Timoti

<sup>1</sup> Njai Pol, girek en njigire da. Anut sen idsad patud pasek, agod Jesus Kristus inj ninjen o mala nouk tumado da. Inj njai ru kagin dupanag go aposel njilasa ya.

<sup>2</sup> O Timoti, onjsa ilo rumok lo onj njaisag nanuk mok a. Girek en onjsa na njigane ipalu da. Ak ninjen o Anut idsad Tamad, inj Jesus Kristus da sad ilo panek, ilo mujanek, agod ilo maror an lo ka mado wa.

## *Pitejanek sewak ak ninjen o kagin gane wa*

<sup>3</sup> Saen njai Masedonia na njau o ilog yen an, njai onj njurupaioog Efesus na mado wo ilog yan a. Man dugo, tamolpein aenta pitejanek sewak digane dan ru dabai nam padau dop dumoi a.

<sup>4</sup> Rupidaip am wagam ak, agod tubud tamad yanjad lo am dupas dan dumoi. Mel an lo ilo saian igane ilasa da. An man Anut san urat lo ibinawai san tia ya. Tia, Anut san urat man ilo rumok lo mi talonj a.

<sup>5</sup> Kubiaen ru an san fun man anj ilom imasap ilo panek anj lo ilasap yen a. Ilo panek a bube ikok lo, ilo sou muruan an tia yan lo, agod ilo rumok nunjon ak lo ilasa dan ninjen o njabol da.

<sup>6</sup> Tamolpein aenta kagin uyan an patud dupani an lo kubiaek nunjon tia yak digane dugo dal du-furfi da.

<sup>7</sup> Inj Anut san ru kubiaen lo girek manjau dumado wo ilod ibol da, gug injsiganed ru dubol dan fun ta dulonj na ya. Agod mel a tamolpein dupitejanai

dan sakar diganeg rumok ak dubol da, ago gug inşed man ru an san fun ta dulon na ya.

<sup>8</sup> Aria, id ago talon ak, kubiaen in man uyan a. Ago yak ninen o id kagin tupani tap, an uyanan a.

<sup>9</sup> Id ilod inşon banau, kubiaen niganag an tamolpein uyadi ak sadi tia ya. Tia, an man in tamolpein a kubiaen paen na tia yan, in a inşaned gurman paed na tia yan, Anut kagin dumoi, aupasek san, gun tia yan, gob adi, in a tinad tamad dufu dumat dan, in a maten digane ilasa dan,

<sup>10</sup> a jeit kagin digane dan, tamol sed sed lo ulek kagin digane dan, a tamol digam pe urat pinein didirai dilasa dan, sewak adi, a tumanek lo dutot dan, agod kagin saian aenta a digane dan lo pitenanek uyan ak san ager yen da.

<sup>11</sup> Pitenanek uyanan e ninen o nabol man, ru a nşaisag bilalon uyan ak lo ibol an san dal iri a. Anut per panek san in bilalon girager anda yan nşai kagin nşapani wo banig lo igane ya.

### *Anut inşan ilo panek Pol ipani a*

<sup>12</sup> Nşai Jesus Kristus idsad Tubun ak in mi per nşapani da. Man dugo, in nşai ikubianag go nşaisag nao lalek an uyanan ile tag inşan urat biabi ipanag a.

<sup>13</sup> Inug mi man nşai Jesus ninen o naon nşufute na yak, nşai inşan tamolpein sad ager tamol nşumadog nşuparfutanai na yak, agod ru saian saian nam nşupeig nşumisilani na ya. Ak man Anut nşai ilon imunşanag a. Man dugo, saen an lo nşai ta nşalon na dugo ilo rumok amag tia yan lo nşai kagin ago nşigane se ya.

<sup>14</sup> Ago dugo idsad Tubun ak Jesus Kristus inşan ilo munşanek nşai ipanag a. Aria, ilo rumok agod ilo

panek a Jesus Kristus inſen ilon lo yen dan ipanag go űai idaisuda geig a.

<sup>15</sup> Nűeűen en rumok a, an lo tiűane dop ilod lo rumok a. Jesus Kristus aupasek tamolpein patud ipasi wo tan en lo idu ya. Nűaiseg man fidian űiriűanaig saiag geig a.

<sup>16</sup> Ak man űai inſan ilo muűanek űiűane san fun man igo ya. Jesus Kristus inű iliad funad oű dan san kagin inű lo man tubun geig a. An niűen o űai lo imug inſan ilo muűanek kuai tem ikubiai panag a, an lo tamolpein a ilodi rumok dan lo kumaen pempem san diűane wan, űai inűad tinanou igo woű űilasa ya.

<sup>17</sup> Inű man Kiű pempem san. Inű man malad lo tile san tia yak, agod dam dimirani san tia ya. Inűsen Anut rumok ak mi imado da. Ago yak niűen o pempem inű yaűan tabisa dop tipitiani wa. Rumok.

<sup>18-19</sup> O nanug Timoti, gamu kubiaenű űai űupano wo da. Kubiaenű e űupano den ru a gubak mi profet adi oűse niűe wo dubol ilasa yan iri pani a. Wagai uyan ak gane wa, oűane ilo rumok an wabi sakar a, agod kagin miai an tia yak mi gane wa, fun dugo, oűane ilo sou mel ta niűen o bube ta isue na wa. Tamolpein aenta man saen inűaned ilo sou bubedi isue dop, patud dupani da. Kagin an san nuűon man igo ya, inűaned ilo rumok nek ibol wog gurgor fo dibili isuda yak igo woű a.

<sup>20</sup> Luluűad lo Himeneus inű Aleksanda da kagin ago digane tag űusubanaig Satan banin lo űidirai diau a. An ago dop afon Anut o ta dubol saian na wa.

### *Ubou leil san kagin*

<sup>1</sup> Ago yak niŋen o malmalan ŋai an ɲususɲanan o da, an tamolpein fidian niŋedi wo amosiai, gudanek, kagin panek aenta wo sumiaek, agod per panek an agane wa.

<sup>2</sup> Gurman adi agod tamol malan te yak niŋedi wo dam Anut agudani wa. An lo tamol naok an diliad funad oŋ dop, idsad madok igo ilasa wa. Id tamol nuŋon ak igo, maror kagin lo tumado wa. Agod tamolpein malad lo tok tabol tumado wa. Agod dam idsad madok an fidian lo Anut kagin mi tiri tupani wa.

<sup>3</sup> Kagin an man uyanan a, an lo Anut idaned patud pasek in malan lo man uyanan agod bulbal mok a.

<sup>4</sup> Ilon yen an lo in tamolpein fidian patud ipasi wa, agod ru rumok ak san maŋau diŋanep in idaisuda wa.

<sup>5</sup> Man dugo, Anut man inŋsen kisaek mi a, agod tamol kisaek mi in Anut da, agod tamolpein da, sad tamol titiŋae yak igo imado da. Tamol an in Jesus Kristus mi a.

<sup>6</sup> Inŋsen tamolpein fidian o in tinin nam naon iganeg id idad an san ru Anut lo yen da, agod inanen saen fom ilasa ya.

<sup>7</sup> Man niŋen o ŋai bilaluŋ tamol agod aposel iginiag a. An niŋen o ŋai gob adi in ilo rumok nuŋon mi diŋane san niŋen o inŋsad girek maŋau ŋilasa ya. ŋai ru rumok ak mi ŋabol da, ŋai seg tinig nam ta ɲusupale na da.

<sup>8</sup> Amaiak niŋen o ubou leil san saen lo tamol a aben fidian lo dumado dan dumosiai o ilog ibol da. In nug lo tiŋae saiak tia wak, agod nug paek dam ta

digane na wa. Kagin naok an digane itout gup, in Anut naon na banid gun ak diabisap dumosiai o ago digane wa.

<sup>9</sup> Aria, nai igo nabol da, pein man biouñ nuñon mok ak mi didiri wa. Biouñ mala sek san ta didiri na wa. Damag a se pitianoï san, kululoi, ariy, biouñ naod lak tinan an fidian inañed ilo sou lo an mel tubun ak ago dubol a.

<sup>10</sup> Man dugo, biouñ dugon a pein adi Anut nanun igo woñ dutor o dubol dan iri panim, an mi didiri wa.

<sup>11</sup> Pein man in saen manau diñane dop dutokubol pe tamol fidian paed na dumado wa.

<sup>12</sup> Nai pein ñeil fu dop tamol ta dipitenañai na wa. Anut wagen lo tamol naod ta dirinani na wa, tia, in dutokubol pe dumado wa.

<sup>13</sup> Man dugo, Anut in Adam imug iwei a. Murna gug Ewa iwei a.

<sup>14</sup> Adam man in imug rawek lo ta idu na ya. Tia, mot in pein irawig aupasek lo idu ya.

<sup>15</sup> Gug pein in Jesus Kristus ninen o ilon lo rumok nuñon dop, nal fidian ilo panek lo, madok gun ak lo, agod kagin uyan ak lo imado tap, inñsan nigin lo Anut ibinawi wa.

### 3

#### *Midaen sad gurman adi*

<sup>1</sup> Ru e dubol den rumok a. Ta in midaen gurman urat ninen o yaes ifuni tap, in urat uyanan ak mi igane wo imat da.

<sup>2</sup> Midaen gurman man in tamol naok igo ya: aenta in ninen o ru dubol san tia ya, in iwon kisaek mi wak, in lukluk san tamol tia wak, inñsan kankan

milaen mi wak, inŝan urat lo mel fidian ikubune wak, inŝ kagin panek san tamol, agod girek manŝau uyanan a.

<sup>3</sup> Inŝ you sakar ak niŝen o tubun mi ta imat na wak, inŝ banin wagai an tia wak, inŝ mos kagin mi igane wak, inŝ tamol maror, agod moni o yaes ta ifuni na wa.

<sup>4</sup> Inŝ inŝinanen samun an inŝiliai dop itirnai uyanan a, agod nanun muroun inŝal pe awan paen na dumado dop dal fidian lo inŝ mi awan diri wa.

<sup>5</sup> Man dugo, tamol a inŝanen samun inŝal pe itirnai uyanan an ta ilonŝ na tap, inŝ Anut san midaeŝ dugo kagin ipani wak i?

<sup>6</sup> Tamol an man inŝ Kris foun ak tia ya. Kabelan inŝ se pitianoŝ san kagin lo idu banau, ago tap, mitep naon a Satan inŝane wan ago mi inŝ dam inŝane wa.

<sup>7</sup> Agod ta dam, tamolpein a idsad ar patun fo dumado dan inŝ tamol uyanan ak ago dubol a. An tia tap, inŝ niŝen o dubol saian dop Satan san dob lo idu wa.

### *Midaeŝ sad binawek adi*

<sup>8</sup> Tamol a ubou san binawek digane dan niŝedi wo dikon tabol dan man, tamol nuŝon ak mi wa, awad ta raru na wak, lukluk tubun mi ta digane na wak, agod moni niŝen o tubun mi ta dumat na wa.

<sup>9</sup> Inŝ ilod lo inŝaned kankan ilok pe muruan ta yen man tia, kagin an lo gidad idaned ilo rumok, agod an san mel mianuk ak id talonŝ uyan san ta pasauman na yan, an fidian diabi sakar dop kagin dupani wa.

<sup>10</sup> Inŝ inug mi dibitiniai pe bitinaek an lo disasau tap, an mi urat an ka digane wa.

<sup>11</sup> Binawek pein adi in dam pein nunon ak mi wa, agod uf ta digane na wa. In sad kankan muruan aman tiap itaot mi wa, agod mel fidian lo rawek kagin ta digane na wa.

<sup>12</sup> Midaen sad binawek tamol man in iwod kisaek o lian a, ago dop in aned pein nanuk, ditirnai uyanan a.

<sup>13</sup> Binawek tamol ensauta a urat digane uyan dan, in midaen malad lo in aned yanad tubun yen da. Agod in Jesus Kristus ilod lo rumok an ninen dubol o man ta direr na da, kagin an lo in ta katukadi na ya.

<sup>14</sup> Nai onsa na kitek an tap nupalu wo ilog isou dugo girek en ngire da.

<sup>15</sup> Ak gug nai nupalup njilio san nal ta ibalsini kisaek na tap, girek en lo dop on id Anut anen midaen ilon lo kagin dugo won lo tanjal an san, on ulon a. Midaen an man in Anut a kumaen imado dak san, agod ru rumok ak san bag tamol igo won a.

<sup>16</sup> Id mel en ninen o ilod kisaek ak, idsad ilo rumok ilon lo mel tubun ak pasauman talon san tia yak yen da:

In tamol mok igo ilasag,  
 Urgun in sen mi walal te tamol itaot ak ibol  
 ilasag,  
 enel adi dile dulong go,  
 tan titin fidian lo dubol go yau,  
 tan tilianek lo in o ilod lo rumok go,  
 Anut in aneg in girager anda isida yau a.

## 4

*Pitejanek sewak*

<sup>1</sup> Urgun in kuai tem ibol dak man mitep tamolpein aenta injsad ilo rumok dibisei wa. Agop ru sewak ak sad ur an awad mi kagin dupani dop, ur saiak saiak sad pitejanek an ninen o mi kududod dugure wa.

<sup>2</sup> Tamol naok ago yak in bale uraru san kagin lo ru sewak dubol da, man dugo, inaned kankan uyan ak malan dusue ya, nek ibol mumañed yai inanig ipitiñini igo woñ a.

<sup>3</sup> In nug ñanek san kagin man geg sakar digane da, agod anañ naon aenta dam diani dumoi o durupidai da. Ak man Anut anañ an fidian tani wo igane ya. Agod tamolpein a ilod lo rumok dop ru rumok dulon uyan dan, in Anut o ilo uyan san gudanek digane yan lo anañ an ka diani wa.

<sup>4</sup> Man dugo, melmel a fidian Anut igane yan man in uyanan a. Ago yak ninen o mel a fidian tiñane dan ninen ilod uyan dop Anut naon na tugudani tap, dugo yak ta tamoi san man tia ya.

<sup>5</sup> Man dugo, Anut san ru in gudanek da lo man anañ an gun igane ya.

<sup>6</sup> Ak ninen o on mel an tei tao fidian naod na kubunep fulale dop man, on Jesus Kristus san urat tamol uyanan a. Amaiak lo ilo rumok san ru, agod pitejanek uyan a uri pani dan lo, nek ibol anañ uyan ak igo woñ onse ñutu futuwi da.

<sup>7</sup> Ak gug am burau, nuñon tia yak a pein busumak adi dupas dan umoi. Agod Anut kagin mi ninen o maeg gane.

<sup>8</sup> Fidian talon ak tinid dabai tupani san urat man mel tubun a. Gug san binawek an man tubun an tia ya. Ago gug Anut kagin ninen o maeg gane dan



man mel fidian lo ibinawo uyan geig da. An gamu tan en lo ibinawad ak, agod murnap kumaen panu lo dam mi wa.

<sup>9</sup> Ru en rumok an lo anj anjanep abi sakar o uyanan a.

<sup>10</sup> Id Anut tinid tigane pani dan lo tau tisasau a. Inj man tamolpein fidian sad patun pasek a. Agod ensauta a ilod lo rumok nek an mi a. Kagin nek an ninjen o urat wagai mok tigane dan man fun nek a.

<sup>11</sup> Melmel an pitenjanai dop ru dabai lo kubiai pidinai.

<sup>12</sup> Onj pinein damag ak ninjen o, onj talpein ta ule funi dop ta ibio udu na wa. Tia, ru lo, onsa turenj lo, ilo panek lo, ilo rumok lo, agod kagin ikok ak lo dam onj injaned tinanou igu wonj mado wa.

<sup>13</sup> Onj Anut san ru malak malak suti dan, agod ru fulale dan, girek manjau urat an dam kagin panip yau dop naj onj sinjire na njupalu wa.

<sup>14</sup> Saen profet adi ru a dubol an, agod midaen sad gurman adi banid onj tini fo digane yan lo, urat san dabai Anut ipano yan onj ilo lo yen da. An lo onj ta yalis na wa.

<sup>15</sup> Mel an kagin pani, an lo tini njutu fidian pani wa. Dal an lo onsa urat nunjon ilasa yau onj dan tamolpein fidian dile dulonj a.

<sup>16</sup> Onj se itirno dop onjane pitenjanek dam kagin pani wa. Mel uraru en wabi sakar a, man dugo, onj ago gane tap, ensauta a onjane ru dulonj dan, onse dam dida patu pasek anjane wa.

## 5

*Pein suos inj gurman adi da sad ru kagin*

<sup>1</sup> Onj tamol a onjsa busumak adi an ta pidai na wa, tia, inj onj tama igo wonj dabai panek ru lo tan suek ru rupidai a. Agod tamol a onjsa bakan ak onj an, onj tei murou igo wonj kaginad gane wa.

<sup>2</sup> Agod pein busumadi man onj tina igo wonj a. Agod pein baras adi man kagin uyan ak fidian lo mi lu murou igo wonj kaginad gane wa.

<sup>3</sup> Pein suos a injsad muroudi tia yan onj kagin pidinai uyanan a, man dugo, inj suos pein mok a.

<sup>4</sup> Gug pein suos ta inj nanun boi, tia, tubun muroun boi, aman da tap, inj muroun an inug mi kagin dupani wa. Ago tap, inaned tinad tamad tubudi an inaned kagin dupidinai an naon igo wonj a, man dugo, kagin an inj Anut malan lo uyanan a.

<sup>5</sup> Pein suos a suos mok imado dan inj sen kisaek mok a. Suos naok an Anut lo inanen ilo rumok yau itutou da. Inj pempem imosiai dop imado da, tidom ad ago Anut san na mi igudani da.

<sup>6</sup> Ak gug, pein suos a injsen ninjen o mi ilon isou dop imado dan, kumaen imado bo man imat la ya.

<sup>7</sup> Ru kagin ago rupidai a. An lo tamolpein aenta injsad kagin ninjen o ru ta dupidinai wa.

<sup>8</sup> Gug enti a inj muroun kagin ta ipidinai na dan, inj ilo rumok san dal ibisei a. Talpein naok an man saian mok a. Injsan kagin man gob adi sad kagin saian an irinjani geig a.

<sup>9</sup> En man pein suos sad tom. Pein suos a inj anañar 60 irinjani an, agod inj tamol kisaek san iwon an, ninjen o onj suos naok nek an mi inj yanjad gire wa.

<sup>10</sup> Pein suos an inj midaenj malad lo yanjak igo yak da wa. Wagam inj urat uyan uyan ak igane se ya.

Inj nanun muroun adi itirnai dugo, anañ melmel tamol gol ak ipidinai na ya. Inj Kris adi n̄ied ifulani dugo, tamolpein muruan amad da yak ibinawai se ya. On̄ pein naok ago yak mi yañan gire wa.

<sup>11</sup> Gug pein suos tinid foun an gidad busawai. Man dugo, saen inj Kristus patud dupani man, tamol foun ak dusu wo ilod imasa da.

<sup>12</sup> In̄sad promis a imug mi Kristus dupani an gigin na digane ya, ago yan lo Anut san bitinaek an sed tinid lo digane da.

<sup>13</sup> Kagin taidam igo digane da. Inj yalis san kagin amad da ya, an lo ab ab dudu disida on̄ da. An mi tia, tia, tamolpein aenta in̄siganed mel digane wo dubol dan, inj niñedi wo patud fo paek ru dubol saian da, agod ru a dubol san tia yan dam dubol da.

<sup>14</sup> Amaiak niñen o n̄ai ilog ibol dak man, suos tinid foun ak inj tamol ka diñane wa, nanuk digansi dop, in̄aned ab, in̄aned abed ditirni wa. Agop idsad ager Satan dal ta lo ru saian ipidinai san ta ile na wa.

<sup>15</sup> Ule, aenta dal uyan ak diapiltig, Satan san dal duri da.

<sup>16</sup> Ilo rumok pein ta in̄anen muroun adi luluñad lo pein suos aenta dumado tap, in̄sen mi ibinawai a. An lo midaeñ inj muruan ta ipani na wa. An lo dop pein suos adi mok, a muroudi tia yan mi kagin ipidinai a.

<sup>17</sup> Midaeñ gurman ensauta a midaeñ tirnek san urat digane uyanan dan, teil dop in̄aned naon bugagaru diñane wo man uyan a. Tamol adi nek a inj ru dufulale dan, agod girek mañau urat digane dan mi niñedi wo n̄abol da.

<sup>18</sup> Anut ru buk lo yen dak ago ibol, “Saen makau kon nunjon irni dop, awan fou umoi.” Nek ago mi, “Urat tamol man, inanen urat naon inane mok a.”

<sup>19</sup> Tamol ta gurman a kagin saian igane yak ago ibol dan, ninen o kudo ta gure na wa. Ak gug talpein uraru, tia, tamol utol, nug dususunani tap, injsad ru an onj ka ulonj a.

<sup>20</sup> Matu gurman adi au dupas dan, fidian malad lo kuai te rupidai a. An lo dop gurman aenta in dam direr dop aupasek ninen o sen dilasa wa.

<sup>21</sup> Ulonj, Anut, Jesus Kristus, agod enjel pilianek adi naod na naj kubiaen en onj njupano da. Onj kubiaen an fidian uri pani wa. Saen onj kubiaen an uri dop, talpein enti ninen ilo ta isou na wa, tia, kagin kisaek mi tamolpein fidian pidinai a.

<sup>22</sup> Onj ririan mi tamol ta Anut urat igane wo bani tinin fo ta gane na wa. Moi dop injsan madok bitinae ule gup a. Onj talpein sen ak san aupasek ta lo ladu na wa. Onse tini kagin panip, gun mado wa.

<sup>23</sup> Taida mi, you kawan mi ta uluk na wa. Tia, wain kitek dam uluk dop, an lo onjsa tinjae ibinawi dop subam wei mi ifuno dan kute ibol a.

<sup>24</sup> Tamolpein aenta sad aupasek walal te yen da, agod aupasek an imug mi Anut san kot lo ilasa wa. Ak man tamolpein aenta sad aupasek imianuk yen dan, murna dop walal te ilasap tile wa.

<sup>25</sup> Nek ago mi, kagin uyan uyan ak walal te dien da. Ago gug kagin uyan a gamu dimianuk dien dan, dimianuk dien san tia wa.

## 6

*Urat bigabeg sad ru kagin*

<sup>1</sup> Ensauta a urat bigabeg dumado dan inaned urat gurman awan kagin dupani uyanan a. An lo talpein ta Anut yanjan, agod idsad pitejanek an ninen o ta ibol saian na wa.

<sup>2</sup> Urat bigabeg adi a inaned gurman ilo rumok amad da yan, in teid taod igo yak ninen o awad duparsisali san tia wa. Tia, urat lak na mok digane wa. Man dugo, gurman a insad urat san nujon dinane dan in ilo rumok adi mok a, ago dop bigabeg adi an inaned gurman o dumat a. On kubiaen an pitejanai dop in an lo duri dupani wo duduwai a.

<sup>3</sup> Talpein ta pitejanek sen ak tamolpein irupidai dop, ru uyan ak a idsad Tubun ak Jesus Kristus irupaiad an ninen o, agod pitejanek a Anut kagin iri pani dan ninen o dam, ilon ta kisaek na tap,

<sup>4</sup> tamol an in se pitiano i san kagin tinin inane fute ya. In mel ta ilon na ya. Insan kankan subam anda ya, sumiaek naon sensen ak, agod ru lo nug funek san kagin an ninen o tubun mi imat geig da. Kagin naok ago yak lo mala sek, nug funek, uf ru, turan ninen o ilo saiak san kagin an dilasa ya.

<sup>5</sup> Insad ru bilabol an nujon tia yak lo, tamol a in ilod iburkaruk idu dan, agod in lo ru rumok ta yen na dan, nal fidian nug dupei da. Tamol amaiak ilod lo, Anut kagin diri dan lo tan en san filian dinane san dal man nek amaiak ago dubol.

<sup>6</sup> Gug id melmel a idsad madok san ninedi wo katuk ad tia yak, agod Anut kagin an tiri tupani dak ago tap, an nujon uyanan ak tubun mi idsad madok lo igane ilasa wa.

<sup>7</sup> Man dugo, tan en lo id mel ta tisinig tilasa man tia ya. Nek ago mi, tan en tibisei wo dop mel ta

tisinip tau san tia wa.

<sup>8</sup> Ak ninen o, id anan biouñ amad da tap, man igo tabol, an id o nek idaisuda ya.

<sup>9</sup> Ak man talpein tan en san filian diñane wo ilod ibol dan, ilo ñanek san kagin, dob igo won, lo disidag diau dudu da. In ilod imasap kagin burau wei mi an digane da, an lo inşed tini madai sensen ak dupani da. Kagin an lo inşed malad dusuep daon panek lo diau dudu wa.

<sup>10</sup> Man dugo, tamolpein moni ilod dupani san kagin man, kagin sisaiak wei mi sad fun. Ago man, aenta moni ninen o yaes ifu dan lo ilo rumok san dal dibiseig dideg diau a. Dal an lo nek ibol saen wei mi sabiri nam sed tinid dusue dak igo won, inaned bubed madai wei mi nam malan dusue da.

### *Pol Timoti kubiaen san ru wadan ipani a*

<sup>11</sup> Ago gug, on man Anut san tamol mok a. An lo dop kagin an fidian on patu pani wa. Kagin itaot, Anut kagin, ilo rumok, ilo panek, utur sakar san kagin, agod mos san kagin, kagin naok an man onsa bube san kob uyanan a.

<sup>12</sup> Idsad ilo rumok san wagai uyan ak gane wo uyanan. On kumaen pempem san ñane wo Anut igio ya, agod saen ilo rumok adi wei mi naod na onsa ilo rumok an ubol ilasa dugo dulon an san saen lo, on kumaen an ñane ya. Aria, kumaen an wabi sakar a.

<sup>13</sup> Anut a mel fidian kumaen ipidinai dan naon na, agod Jesus Kristus a Pontius Pailat naon na itur dugo inşen ninen o ru rumok ibol ilasa yan naon na dam,

<sup>14</sup> ŋai ru dabai nam oŋ kubiaen an kagin pani uyan mok o ŋabol a. Kabelan mel ta nun anda yak ilasap an lo tamolpein malad lo kubiaen an saian dubol banau. Oŋ ago ganep yau dop idsad Tubun ak Jesus Kristus imul ipalu wa.

<sup>15</sup> Kulob an man inanen saen fo mok Anut kuai tem iganep ilasa wa. Inŋsen mi uyanan mok, idsad Gurman kisaek o lian a. Inŋ mi kin sad Kin, agod tamol tutubu yak sad Tubun a.

<sup>16</sup> Inŋsen mi ta imat na wa, lilaman a sinjiren na id tau san tia yan lo imado da, agod tamol ta inŋ ile man tia ya, ta inŋ ile san dam tia ya. Awo, yanak tubun ak inŋ tupanip, tuon dabai ak pempem san dam inŋ lo imado wa. Rumok

<sup>17</sup> Oŋ tamolpein a tan en san filian wei mi amad da yan ru kagin igo rupidai a, inŋ aenta dirinani ak ago dubol dan san kagin lo dumado dutor man tia wa. Inŋ tan en san filian niŋen o dam tini ganei ta digane na wak ubol a, man ata wo, inŋsad filian an pasauman mok ka dideg diau a. Tia, inŋ Anut mi tinid digane pani wak ubol. Man dugo, Anut melmel id malad lo bulbal mok an fidian ilo uyan san wei mi ipanad a, agod an id o idaisuda mi a.

<sup>18</sup> Inŋ urat digane uyan ak ubol a. Inaned filian mok man, tan en san biouŋ tia ya, tia, kagin naok naok uyan an digane san mi ak ago rupidai a, agod mel uyan uyan wei mi tamolpein a mel ta lo katuk amadi an dipidinai o tawan digane wa.

<sup>19</sup> Dal an lo inaned fliadi bageu san fod lo dutumanig yen da. An man nek ibol saen a sumeik ipani dan san kadan dimirirani san tia yak igo duguni a. Ago dop lo kumaen a kumaen nunon mok an ka diabi wa.

<sup>20</sup> O Timoti, mel a gubak mi oŋ bani lo ŋigane yan kagin pani. Niŋeŋ a Anut kagin san ager imado dan, agod ilo sou a piteŋanek itaot ak niŋen o ipirgini dan man, yaŋan “maŋau” ago dubol dan niŋen o oŋ sen lasa wa, man dugo, iŋsad ru an sewak mi a.

<sup>21</sup> Aenta iŋ maŋau sewak a lo leil dupani an lo ilod lo rumok san dal diabpilti a.

Anut san ilo panek aŋ fidian da ka amado wa.



**Anut san bilalug foun**  
**The New Testament in the Takia Language of Papua**  
**New Guinea**  
**Nupela Testamen long tokples Takia long Niugini**

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

---

PDF generated using Haiola and XeLaTeX on 18 Apr 2025 from source files dated 31 Aug 2023

757b3e4e-2023-5b45-893a-ee9294ddeb9d